

БҮГД НАЙРАМДАХ МОНГОЛ АРД УЛСЫН
ЗАСГИЙН ГАЗРЫН МЭДЭГДЭЛ

Бүгд Найрамдах Монгол Ард Улсын Засгийн Газар ард түмнийхээ зүй ёсны шудрага дургүйцлийг илэрхийлэн БНМАУ-ыг гадуурхан үзэх бодлогыг колоницлогч империалист гүрнүүд юуны өмнө АНУ-ын зүгээс дахин гаргасныг эрс шийдвэртэйгээр буруушааж байна. Энэ оны 12-р сарын 4-нд НҮБ-ын Аюулгүйн Зөвлөлийн хуралдаанаар БНМАУ-ыг НҮБ-д элсүүлэх асуудлыг хэлэлцсэн байна. Энэ хуралдаан, дээр Америкийн Холбоот Улс ба түүнийг НАТО-гийн шугамаар аялдан дагалдагч хань хамсаатан болох Англи, Франц, Италийн төлөөлөгчид Чан Кай-шигийн тоглоомын дээрэмчдийнхээ хамт БНМАУ-ыг НҮБ-д элсүүлэх асуудлыг хэлэлцүүлэхгүй болгон саатуулав. Ингэснээрээ тэд колоницлогч шившигт нүүр царайгаа даян дэлхийн өмнө дахин илчлэн харуулснаар үл барам энх тайвныг мөрсөдөгч их, бага улс гүрэн бүхний түгээмэл байгууллага болох НҮБ-ын үндсэн зарчим, агуу их зорилгыг бүдүүлэг бөгөөд балмадаар зерчлөө.

Империалист гүрнүүд, эн тэргүүнээ АНУ-ын гадуурхах бодлогын балгаар, мөн түүнчлэн бүх дэлхийн өмнө нэр хүндээ бүрмөсөн барж ард түмнийхээ аливаа дэмжлэгээс үүрд хагацсан Чан Кай-шигийн бүлгийхэн НҮБ-ын бүх байгууллагад хууль бусаар бугшиж оршиж байгаагийн уршгаар НҮБ-ын гишүүн болох БНМАУ-ын шудрага хүсэл нь 14 жилийн турш сунжирч одоо хүртэл биелэхгүй байна.

Өргөн уудам Ази, Африк тэвүүдэд тусгаар тогтносон шинэ улсууд удаа дараагаар төрөн гарч есөн бойжиж байгаа ба үндсэнийхээ тусгаар

тогтнол хөгжил дэвшлийн төлөө Латин Америкийн ард түмний хөдөлгөөн өрнөж бэхжиж байгаа, капитализмын бүрэн уналт, колониализмын буцалтгүй мөхөлтийн үе болох манай энэ эрэн үед энх тайванч улс түмний эрхийг ерөнхийд нь үгүйсгэн үзэх ба тухайлбал БНМАУ-ын хувьд колониалогч ёсны дээрэнгүйлэн үгүйсгэх бодлогыг баримтлах явдал бол манай агуу их эрэн үеийн түүхийн хурдийг буцааж эргүүлэх гэсэн империалист харгисуудын арчаагаа барсан оролдлого мөн.

1946 оноос эхлэн БНМАУ-ын засгийн газраас энэ байгууллагын гишүүнд элсэн орох асуудлын талаар удаа дараа тавьж байсан бүх ерегдлүүдээ хүчинтэй гэж Монголын ард түмэн, түүний Засгийн Газар үзэж байна.

Үүнтэй холбогдуулан, НҮБ-ын төрөл бүрийн байгууллагат Чан Кай-шигийнхэн зүй бусаар бугшиж байгаа нь НҮБ-д Бүгд Найрамдах Хятад Ард Улсын хууль ёсны эрхийг сэргээх болон БНМАУ-ыг энэ байгууллагын гишүүнд элсүүлэх явдалд саад болж байгаа ба НҮБ-ыг империалистууд явцуу сонирхолдоо ашиглан улмаар түүнийг АНУ-ын Засгийн Газрын дуулгавартай зэвсэг болгож байгаа нь бүх дэлхийн улс түмний нүдний өмнө олон улсын энэ их байгууллагын нэр хүндийг унагааж байгаа хэрэг гэж үздгээ БНМАУ-ын Засгийн Газар мэдэгдэж байна. НҮБ-ын байгууллага бүрээс Чан Кай-шигийнхийг нэн даруй хөөн зайлуулж энэ байгууллагат хууль ёсоор эзлэх байр суурийг нь Бүгд Найрамдах Хятад Ард Улсад тавьж өхийг БНМАУ-ын Засгийн Газар шаардаж байна.

Хөгжил цэцэглэлтийн замаар дэвшин хөгжиж яваа бүрэн эрхт, тусгаар тогтносон Бүгд Найрамдах Монгол Ард Улсыг Нэгдсэн Үндэстний Байгууллагын гишүүнд элсүүлэн авахыг Монгол Улсын Засгийн Газар ард түмнийхээ нэрийн өмнөөс шаардаж байна.

Даян дэлхийн энх тайванч ард түмнүүд, харгис түрэмгий империализм, ард түмэнд жигшигдсэн колониализмын эсрэг тэмцэж байгаа Ази, Африк, Латин Америкийн ард түмнүүд дээр дурдсан баримтын талаар биднийг зүй ёсоор дургүйцэж байгааг зөвшөөрөн хүлээж БНМАУ-ыг НҮБ-ын гишүүнд элсүүлэх чин эрмэлзлэлийг биелүүлэхэд шийдвэртэй дэмжигчээ үзүүлнэ гэдэгт Монголын ард түмэн, түүний Засгийн Газар итгэж найдаж байна.

Улаанбаатар, 1960 оны 12-р сарын 6.